







續文選卷第十

明平原湯紹祖公孟撰

樂府下

古八變歌

王世貞

秋風何慄慄惡我羅裳衣
晝短不成匹中夜理鳴機
晨風俱南翔熠燿竟何之
皚皚枝頭霜隱隱上蛾眉
盛年忽已過游子安用歸

同聲歌

王世貞

今夕復何夕得奉君子歡明燭在高堂三星燦以爛
盃飲不逮終襦結自成寬綢繆非一狀要約故萬端
感君纏綿意報以中心肝願爲黍與臠奉君朝夕餐
願爲縞與絺備君衣中單二候願多夕三時願多寒
金石有時泐中懷長不刊鳴鷄何咿喔北斗漸闌干
欲起復徬徨人生會面難

長歌行三首

王世貞

昭昭陽春色令我好容姿庶草各自驕誰能念先萎
秋氣發鳴蟬噉噉多伏悲逝水但知東逝日但知西

人生堅強志乃欲與時違

蜿蜿雲中龍
燁燁雙飛翼
扶持日月車
周旋於八極
中有芙蓉冠
蛾眉何脩淑
眇我若舊歡
贈我藥五色
顧戀塵中樂
徘徊不能食
曠劫不再逢
惴惴安所
白露秋澄澄
溥我桂樹林
愁思中夜發
披衣不逮衿
晨風無停號
蟋蟀時再吟
舉頭見明月
低頭淚潸潸
明月萬里光
妾人萬里心
願爲隨光去
萬里不能任
北斗釀酒漿
南斗爲我斟
言欲解我憂
憂來一何深

白頭吟

王世貞

南山有匹鳥自呼爲鳳凰雖復具五色不能顧其雙

一解

咎者呼鳳凰鳳凰不成雙今者呼鳳凰鳳意不

求凰

二解

咎求一何難今飛一何易今去呼不來咎

來推不去

三解

新人芙蓉花舊人芙蓉枝新人山作

眉舊人霜作眉

四解

妾無百種態是君當心際妾無

百種態是君心別時

五解

牀上五絃琴一絃今一心

新絃終須斷舊絃不可尋

六解

苦寒行

王世貞

驅馬度陰山積雪何茫茫疾風四隅來馬首浩縱橫

高屋無儔跡顧影僅爲雙孤獸索其羣棲鳥向陽翔
不若客路深况乃異戎荒沈懷幽閨婦玉筍啼紅粧
旭日未及旦軋軋澁流黃年命不在已安能顧匹方
人生今失職歲暮問他鄉

獨漉篇

王世貞

獨漉獨漉水清泥濁知人惟艱聖哲斯惡蓄豹捕鼠
捷不如狸狐裘施燠曷如綌絺燁燁綺羅服喪奈何
郁郁蘭蕙飢後稻禾騏驎千里水用曷神吐綬五色
曷能綵綸豈不懷賢在敵則讐雖有南威外遇莫求

國之云亾恤夫孔壬嗟彼負乘莫非行禽

悲哉行

王世貞

四坐且罷歡聽我悲哉行悲從中心發輕言涕自零
疾風吹難散春陽不能平矯矯南山松屈爲虬龍形
于霄自本性焉用美好稱寧爲折蕙蘭安爲令不芳
但睹連城碎誰睹改其光與世旣殊轍各自伸所長
悲哉復悲哉古今尚茫茫

善哉行

王世貞

今胡不樂烹鯉炙鴈篴管嘈雜衆大稱善一解天光

漸傾咸謂無歸纖阿受御詞其揚輝二解客有韓娥

僂行曼歌哀激當心涕泗滂沱三解斯爲相國卒霸

秦世晨朝百僚夕送東市四解錯衣朝衣謂調兵食

忽見前後森如霜戟五解哀樂矢催當身乃知酒不

速瀝日晏之離六解

仙人篇

王世貞

結茅華山顛上有蒼鱗車仙者四五人要我偕所如
遨遊天漢上經歷萬里餘人間所見星乃是千白榆

玫瑰切庭階水難文綺疏不知何宮殿但恠非人居
呀然珠簾起四角垂流蘇中坐太乙君夾侍青童姝
飲我丹霞漿令我易肌膚碧藕錯朱桃玉饌芬且腴
天樂不能名但用窮歡娛回首望故鄉妻孥不得俱
坐此一念謫聊復在泥塗疆疇雖歷歷他姓治田廬
欲返渺何因惻愴但含吁

白苧詞

王世貞

美人含嬌出中堂鳴環飭步齊宮商流目一眄自餘
光恍若輕雲扶太陽娛君青春志意荒白日易短夜

難長絃迫柱促樂漸終鞀鑑掩收意煩忡安能雙駐
酡顏紅

華周杞梁行

王世貞

華杞感賓車駢刀燦雙纓長驅蕩莒師千里不留行
豈爲齊君歿肯負隰侯生二發爭寫哀中夜不絕聲
皇天爲摧噫百雉拉然崩朋友自有心夫婦自有經
始知乾坤大不勝一寸誠二綽豈不雄惜哉殉淫朋
母以鴻毛重遂令泰山輕

輕薄篇

王世貞

末俗誇輕薄輕薄生有餘
驕意盤眼睫貴骨滿頭顱
仲氏二千石伯兄千戶侯
小弟頗妍好出入嘗奉車
大母修成君女姊班婕妤
問我湯沐邑鄠杜最上腴
問我無名錢勅賜蜀山鑪
從奴衣火浣下客躡真珠
丸金彈飛鳥椎鐵擊珊瑚
揮霍和氏璧蹀躞大宛駒
臂鷹出長楸鬪鷄絕九衢
帝油雨擊鞠席綺寒樗蒲
調笑採桑婦闌入酒家胡
腰間雌雄劍雙雙玉轆轤
一日不出匣中夜自鳴譁
破壁藏翁伯罵坐輕灌夫
七貴爲低眉將相薄不圖
不理關都尉可怕執金吾

道逢談天者復矜意氣殊千秋若指掌九州不足居
一言無騷雅隻字奪典謨李耳老禿翁仲尼亦豎儒
罄欬細旃表立可成唐虞飛書招越裳挾箠鞭匈奴
寧必卿曹子飲啗類屠沽相睨不相下異路請各趨
擾擾兩蜉蝣自貴亦自愚寧知青門士賢豪始同途

燕歌行

吳國倫

商飈習習清露溥羣芳銷歇秋氣寒鴻鴈連翩思故
關林月皎皎烏未安念君遠遊路漫漫萬里何時當
來還空房蟲鳴起長歎仰視明河夜闌干援琴當牕

操幽蘭哀絃激響摧肺肝同心寶燭鏤金盤朱光明
滅羅衣寬晨風一舉翔雲端我獨何爲乏羽翰

相逢行

吳國倫

相逢狹斜道車軌不得方少年盛意氣眇眇揚輝光
問君家遠近乃在新市隅走馬築金埒彈雀輕隋珠
堂上羅重筵瑠漿白玉壺中庭長琪樹照耀錦氍毹
兄弟兩三人出入承明廬伯氏騎都尉仲氏執金吾
賤子官職薄節俠傾上都休沐並來還列騎紛前驅
珪珥何煌煌觀者塞路衢入門宴賓客華燈燦綺疏

奉觴前爲壽一一邯鄲姝小姝工秦聲大姝善吳趨
丈人但安坐調瑟方踟躕

隴西行

吳國倫

隴西走馬客出入天水關白榆間青桂夾道何漫漫
下馬投舊王舊王出未還新婦解肅客美態柔且閑
手捉桃枝扇耳辯明月環細綺爲下裙紫綺爲上衫
登堂行拜跪振佩鳴珊珊問客從何來得無久平安
請客坐上坐席布青琅玕眄笑未須臾中厨出雕盤
清酒起自酌爲壽跪客前客言主當酬微飲不及乾

左顧屬侍子何當畱客歡
取我牀頭瑟調絃一再彈
短歌中律呂餘芳噴幽蘭
客起再拜謝何當此盤桓
罷酒送客出極樂容愈端
客行猶反顧一顧三長歎
得婦有如是宋子安足攀

羽林郎

吳國倫

羽林良家子盛氣憑金吾
鳴鞭出狹斜顧問酒家胡
胡姬年十五妖閑自當壚
何言邯鄲倡頗擬秦羅敷
輕裙芙蓉帶單衫繡袂襦
雙鬟倭墮髻珊瑚間青珠
肆中焚椒蘭席上陳笙竽
千鍾與百榼上客無停酤

獨有羽林兒下馬何踟躕直入坐我傍白晢美頰腴
但坐不通名調笑復須臾殺來錯金盤酒滿鏤玉壺
微飲不及酣縱歌聊自娛遺我朱雀錦曳我連理裾
裾輕故可斷錦重非其愉上客豈無婦胡姬亦有夫
感君屬殷勤清濁難相渝金吾貴自貴毋煩私賤軀

名都篇

吳國倫

名都故佳麗少年何翩翩千金飾寶劍百金縲文鞍
臂鷹走東郊戲馬過上蘭力能嚼飛鏑巧能承弄丸
馳騁不言勞角觝相更端雙隼從何來疾風翔雲間

經一
卷一
滿引明月弓厲鏃忽應弦一矢貫雙隼馬驟不及鞭
觀者稱神奇狐兔不敢前暮入胡姬肆挾瑟當壚彈
清酒滿玉壺珍馐羅翠盤密坐屬所私一博呼十千
旁若無世人意氣矜相憐出門夜未旦白露何漫漫

美女篇

吳國倫

美女出京洛麗質閑且都盛年處重幃足不踰門樞
晨起開新妝厭粉不施朱簪以九華玉瑱以大秦珠
屣履應鳴環微風蕩羅裾理絲織縑素經緯良獨殊
手調文梓瑟緩急諧謳超舉體若織雲吐氣蘭不如

聞者相艷慕觀者但嗟吁媒氏亦何勞玉帛克前除
所希在良匹非敢愛弱軀良匹苦難偶歲月忽以逾
空房殊寂寥猶勝棄路衢寄謝諸少年金石難可渝

白馬篇

吳國倫

白馬紫絲韁鏤鞍白玉裝何處遊俠兒聲名播戎行
平生萬里志耻復負蓬桑長驅出右地蹀躞古戰場
腰盤昆吾刀縱橫掣電光臂掛驊角弓羽箭凌秋霜
深山刺彪虎平原射白狼巧捷無衆工叱咤人莫當
邊聲昨夜急虜騎窺朔方叱馬奮登陲軍中氣俱揚

左鼓賢王縛右發月支降往來鋒鏑間坦若馳康莊
所事在國讐那能念故鄉總無定遠封朽骨亦稱強

遠遊篇

吳國倫

一隅非我宅九土安足州迫阨從世人四顧嬰百憂
經營甕盎間區區欲何求金石良易敝曜靈忽以遒
白雲啓閭闔飄然思遠遊道逢赤松子仙藥爲我投
舉翼崑崙顛息駕扶木丘扶木挂東海元氣鼓洪流
下枝九陽伏上枝一陽浮神魚戴五城氣吐金銀樓
登樓矚列缺六漠何悠悠始知泰初理可與天地侔

飛龍篇

吳國倫

清都穆穆宮闕連蜷過謁東父道逢列仙驟駕飛龍
流覽八埏雄虬夾轂雌蜺爲鞭豐隆前導玉女蹁躑
須臾萬期溟渤以田崢嶸無地寥廓無天我欲問道
與子周旋

結客少年場行

吳國倫

驄馬飾雕鞍玉珂何珊珊當場負意氣結客空長安
一語成莫逆千金盡交歡日月豈足誓睚眦各有端

續文選 卷一
相求等敵國赴急纓危冠耻就四豪食不屑萬乘子
力能脫季布軀可借燕丹劍術無衆工義聲薄區寰
新生驚蹈海公子下抱關烈烈布衣士遭逢良獨難
探丸與竊鉤盜俠居民間

同聲歌

吳國倫

結髮奉明誓區區幸見憐良無蘭蕙資微芳爲君宣
從君若形影猶恐有後先襦以合歡裁帶以結纏綿
分當侍鞶帨織素還織縑微力殫中厨蘋藻潔以鮮
帳中陳女圖載詠關雎篇將希舉案風鷄鳴亦何賢

平生所著書往往畱心肝妍媸他人口已自不得言
束髮悟生趨往復雜憂患但言身日短不覩身後先
仰問巫陽師安能爲我權

丈夫事四方魂魄戀故鄉今我胡爲爾委命付窮荒
臨歿辭明去親知不在傍寸桐爲我車腐革爲我裳
魑魅爲我御瘴霧爲我糧螻蛄司門庭青蠅來吊喪
鬼伴羣侏離與語不能詳道逢司命君示我返魂方
長跪告司命生人多患傷不願復爲人但願長衍

甲兵冠天來朝野靡晏寧背親爲王臣焉以辭國殤
青霾吹蕩翳金鼓慘不揚貴賤併一時顙趾委沙塲

系文選 卷一
日暮輪蹄盡烏鳶來啄創有手不能驅有目無精光
朔風吹朝夕枯骨漸堅強家人具衣冠延我之北邙
羽衛驂驪列空爲存者倡兩地竟誰真千秋浩茫茫
挽歌

吳國倫

天地有時合晝夜渾茫茫人生渺如寄勿論彭與殤
生當列屋居死從九陰藏黃墟爲君宅白石爲君塋
狐狄爲四隣螻蛄穴中央賢愚與貴賤遺形諒相當
安見人魚膏久照驪山光

雜歌

行幸甘泉宮歌

劉孝威

漢朝迎夏畢避暑甘泉宮
棧車鳴里鼓駟馬駕相風
校尉烏桓騎待制樓煩弓
後旌猶五柞前笳度九嶷
才人豹尾內御酒屬車中
輦迴百子閣扇動七輪風
鳴鐘休衛士披圖召後宮
材官促校獵涼秋戲射熊

悲歌

高啓

征途險巇人乏馬飢富老不如貧少美遊不如惡歸
浮雲隨風零亂四野仰天悲歌淚數行下

古歌

高叔嗣

荆和當路泣良璞爲誰明
茫然大楚國白日失兼城
燕石十襲重魚目一笑輕
古來共感歎今予益吞聲

雜詩上

賦得竹

梁元帝

嶰谷管新抽淇川節復修
作龍還葛水爲馬向并州
柯亭臨絕澗桃枝夾細流
冠學芙蓉勢花堪威鳳遊
邛王若有獻張騫應拜侯

雜詩

柳惲

雲輕暮色轉草綠晨芳歸山墟罷寒晦園澤潤朝暉
春心多感動睹物情復悲自君之去矣蘭堂罷鳴機
徒知遊宦是不念別離非

擣衣詩

柳惲

行役滯風波遊人淹不歸亭臯木葉下隴首秋雲飛
寒園夕鳥集思牖草蟲悲嗟矣當春服安見禦冬衣

寶劍

吳均

我有一寶劍出自昆吾溪
照人如照水切玉如切泥
鏐邊霜凜凜匣上風淒淒
寄語張公子何當來見携
和蕭諮議岑離閨怨

何遜

曉河沒高棟斜月半空庭
牕中度葉簾外隔飛螢
含情下翠帳掩泣閉金屏
昔期今未返春草寒復青
思君無轉易何異北辰星

詠蚤梅

何遜

兔園標物序驚時最是梅銜霜當路發映雪擬寒開
枝橫卻月觀花繞凌風臺朝灑長門泣夕駐臨邛杯
應知蚤飄落故逐上春來

和衛尉新渝侯巡城口號

王筠

閭闔暖已昏鈞陳杳將暮棲烏城上返晚雀林中度
屯衛時巡警凝威肆安步閣道趨文昌禁兵連武庫
銅烏迎蚤風金掌承朝露杳恩分曉色睥睨生秋霧
維城任寄隆空想靈均賦伊余方病免丘園保恬素
奉和春夜應令

庾肩吾

春牖對芳洲珠簾新上鉤燒香知夜漏刻燭驗更籌
天禽下北閣織女入西樓月皎疑非夜林疎似更秋
水光懸蕩壁山翠下添流詎假西園讌無勞飛蓋游
和皇太子重雲殿受戒

庾肩吾

皇明執東曜帝辰居北辰小乘開治道太覺拯蒼民
殊途同義路分流合智津傳香引上德列伎進名臣
連閣翻如畫圖雲更似真鏡山銜殿影梅梁落梵塵
苑桂恒留雪花不待春萬年逢瑞應千生值法身

天衣初拂石豆火欲燃薪重善終無報輕毛庶有因
和徐王簿望月

庾肩吾

樓上徘徊月牕中愁思入照雪光偏冷臨花色轉春
星流時入暈桂長欲侵輪願以重光曲承君歌扇塵
侯司空宅詠妓

陰鏗

佳人徧綺席妙曲動鵾弦樓似陽臺上池如洛水邊
鶯啼歌扇後花落舞衫前翠柳將斜日俱照晚粧鮮
西遊咸陽中

陰鏗

上林春色滿咸陽遊俠多城斗疑連漢橋星象跨河
影裏看飛轂塵前聽遠珂還家何意晚無處不經過

山齋

徐陵

桃源驚往客鶴嶠斷來賓復有風雲處蕭條無俗人
山寒微有雪石路本無塵竹徑蒙籠巧茅齋結構新
燒香披道記懸鏡厭山神砌水何年溜簷桐幾度春
雲霞一已絕寧辨漢將秦

奉和同泰寺浮圖

庾信

岌岌凌太清，照殿比東京。
長影臨雙闕，高層出九城。
拱積行雲礙，幡搖度鳥驚。
鳳飛如始泊，蓮合似初生。
輪重對月滿，鐸韻擬鸞聲。
畫水流全住，圖雲色半輕。
露晚盤猶滴，珠朝火更明。
雖連博望苑，還接銀沙城。
天香下桂殿，仙梵入伊笙。
庶聞八解樂，方遣六塵情。

幽居值春

庾信

山人久陸沈，幽徑忽春臨。
決渠移水碓，開園掃竹林。
歌橋久半斷，崩岸始邪侵。
短歌吹細笛，低聲汎古琴。

續文選 卷一
錢刀不相及耕種且須深長門一紙賦何處覓黃金

和趙王看伎

庾信

綠珠歌扇薄飛燕舞衫長琴曲隨流水簫聲逐鳳凰
細縷纏鍾格圓花釘鼓牀懸知曲不誤無事畏周郎

和崔侍中從駕經山寺

蕭慤

鈎陳夜警徼河漢曉參橫游騎騰文馬前驅轉翠旌
野禽喧曙色山樹動秋聲雲表金輪見巖端畫拱明
路疑從地涌蓋似積香成泉高下溜急松古上枝平

儀台多壯思麗藻蔚緣情自嗤非照廡何以繼連城

秋思

蕭慤

清波收潦日華林鳴籟初芙蓉露下落楊柳月中疎
燕幃綳綺被趙帶流黃裾相思阻音息結夢感離居
賦昆明池一物得織女石

虞茂

隔河圖列宿清漢象昭回支機就鯨石拂鏡取池灰
船疑海槎渡珠似客星來所恨雙蛾歛逢秋遂不開

秋夜獨坐

袁朗

危絃斷客心虛彈落驚禽新秋百慮淨獨夜九愁深
枯蓬惟逐吹墜葉不歸林如何悲此曲坐作白頭吟

愛妾換馬

僧法宣

朱鬣飾金鑣紅粧束素腰似雲來蹊蹠如雪去飄飄
桃花含淺汗柳葉帶餘嬌騁先將獨立雙絕不俱標

書屏風詩

大義公主

盛衰等朝暮世道若浮萍榮華實難守池臺終自平

富貴今何在空事寫丹青杯酒相無樂弦歌詎有聲
余本皇家子飄流入虜庭一朝睹成敗懷抱忽縱橫
古來共如此非我獨申名唯有明君曲偏傷遠嫁情
感遇

張九齡

孤鴻海上來池潢不敢顧側見雙翠鳥巢在三珠樹
矯矯珍木巔得無金丸懼美服患人指高明逼神惡
今我游冥冥弋者何所慕

懷蘇武

李白

蘇武在匈奴十年持漢節白鴈上林飛空傳一書札
牧羊邊地苦落日歸心絕渴飲月窟冰飢餐天上雪
東還沙塞遠北愴河梁別泣把李陵衣相看淚成血
雨

杜甫

峽雲行清曉煙霧相徘徊風吹滄江去雨灑石壁來
淒淒生餘寒殷殷兼出雷白谷變氣候朱炎安在哉
高鳥濕不下居人門未開楚宮久已滅幽珮爲誰哀
侍臣書王夢賦有冠古才冥冥翠龍駕多自巫山臺

夢李白二首

杜甫

死別已吞聲生別常惻惻江南瘴癘地逐客無消息
故人入我夢明我長相憶恐非平生魂路遠不可測
魂來楓林青魂返關塞黑君今在羅網何以有羽翼
落月在屋梁猶疑照顏色水深波浪濤無使蛟龍
浮雲終日行游子久不至三夜頻夢君情親見君意
告歸常局促苦道來不易江湖多風波舟楫恐失墜
出門搔白首苦負平生志冠蓋滿京華斯人獨憔悴
孰云網恢恢將老身反累千秋萬歲名寂寞身後事

晦日尋崔戢李封

杜甫

朝光入甕牖戶寢驚敝裘起行視天宇春風漸和柔
興來不暇懶今晨梳我頭出門無所待徒步覺自由
杖藜復恣意免直公與侯晚定崔李交會心真罕儔
每過得酒傾二宅可淹畱喜結仁里歡况因令節求
李生園欲荒舊竹頗修修引客看掃除隨時成獻酬
崔侯初筵色已畏空樽愁未知天下士至性有此不
草芽旣青出蜂聲亦暖遊思見農器陳何當甲兵休
上古葛天氏不貽黃屋憂至今阮籍等熟醉爲身謀
威鳳高其翔長鯨吞九州地軸爲之翻百川皆亂流

常歌欲一放淚下恐莫收濁醪有妙理庶用慰沉浮
西施詠

王維

艷色天下重西施寧久微朝爲越溪女莫作吳王姬
賤日豈殊衆貴來方悟稀邀人傅脂粉不自着羅衣
君寵益嬌態君憐無是非當時浣紗伴莫得同車歸
持謝隣家子效顰安可希

崔滌陽兄季重前山興

王維

秋色有佳興況君池上閑悠悠西林下自識門前山

千里橫黛色數峰出雲間嵯峨對秦國合沓藏荆關
殘雨斜日照夕嵐飛鳥還故人今尚爾嘆息此顏顏

江上聞笛

王昌齡

橫笛怨江月扁舟何處尋聲長楚山外曲繞胡關深
相去萬餘里遙傳此夜心寥寥浦溆寒響盡唯空林
不知誰家子復奏邯鄲音水客皆擁棹空霜遂盈襟
羸馬望北走遷人悲越吟何當邊草白旌節隴城陰

田家雜興八首

儲光義

春至鷓鴣鳴薄言向田墅不能自力作黽勉娶隣女
旣念生子孫方思廣田園閑時相顧笑喜悅好禾黍
夜夜登嘯臺南望洞庭渚百草被霜露秋山響砧杵
却羨故年時中情無所取

衆人耻貧賤相與尚高腴我情旣浩蕩所樂在畋漁
山澤時晦冥歸家斲閑居滿園種葵藿繞屋樹桑榆
禽雀知我閑翔集依我廬所願在優游州縣莫相呼
日與南山老兀然傾一壺

逍遙阡陌上遠近無相識落日照秋山千岩同一色
網罟繞深莽鷹鷂輕翼翼獵馬旣如風奔獸莫敢息

駐旗滄海上犒士吳宮側
楚國有夫人性情本貞直
鮮禽徒自致終歲竟不食

田家趨墦畝當晝掩虛關
隣里無煙火兒童共幽閑
桔槔懸空圃鷄犬滿桑間
時來農事隙採藥遊名山
但言所採多不念路險艱
人生如蜉蝣一往不可攀
君看西王母千載笑容顏

貧士養性情不復知憂樂
去家行賣齋留滯南陽郭
秋至黍苗黃無人可刈穫
孺子朝未飯把竿逐鳥雀
忽見梁將軍乘車出宛洛
意氣軼道路光輝滿墟落
安知負薪者啞啞笑輕薄

楚山有高士梁國有遺老築室旣相隣同田復同道
糗糒常共飯兒孫每更抱忘此耕耨勞愧彼風雨好
蟋蟀鳴空澤鷓鴣傷秋草日夕寒風來衣裳苦不早

梧桐陰我門薜荔網我屋超超兩夫婦朝出暮還宿
稼穡旣自種牛羊還自牧日旰懶耕鋤登高望川陸

空山足禽獸墟落多喬木白馬誰家兒聯翩相逐馳

種桑百餘樹種黍三十畝衣食旣有餘時時會賓友
夏來菰米飯秋至菊花酒孺人喜逢迎樨子解趨走
日暮後園裏團團蔭榆柳酩酊乘夜歸涼風吹戶牖
清淺望河漢低昂看北斗數甕猶未開明朝能飲不

裴尹東溪別業

李頎

公才廊廟器官亞河南守別墅臨都門驚湍激前後
舊交與羣從十日一携手幅巾望寒山長笑對高柳
清歡信可尚散吏亦何有岸雪青城陰水光遠林首
閑觀野人筏或飲川上酒幽雪淡徘徊白鷺飛左右
庭竹垂卧內村烟隔南阜始知物外情簪紱同芻狗
宿王昌齡隱居

常建

清溪深不測隱處惟孤雲松際露微月清光猶爲君

茅亭宿花影藥院滋苔紋余亦謝時去西山鸞鶴群

江上琴興

常建

江上調玉琴一絃清一心泠泠七絃遍萬木微幽陰
能使江月白又令江水深始知枯桐枝可以徽黃金

秋夜聽羅山人彈三峽流泉

岑參

皤皤岷山老抱琴鬢蒼然衫袖拂玉徽爲彈三峽泉
此曲彈未半高堂如空山石林何颼颼忽在牕戶間
繞指弄鳴咽青絲激潺湲演漾怨楚雲虛徐韻秋烟

疑兼陽臺雨似雜巫山猿幽引鬼神聽淨令耳目便
楚客腸欲斷湘妃淚斑斑誰裁青桐枝絙以朱絲絃
能含古人曲遙與今人傳知音難再逢惜君方老年
曲終月已落惆悵東齋眠

幽居

韋應物

貴賤雖異等出門皆有營獨無外物牽遂此幽居情
微雨夜來過不知春草生青山忽已曙鳥鵲繞舍鳴
時與道人偶或隨樵者行自當安蹇劣誰謂薄世榮

田家三首

柳宗元

虀食狗所務驅牛向東阡鷄鳴村巷白夜色歸暮田
札札耒耜聲飛飛來鳥鳶竭茲筋力事特用窮歲年
盡輪助徭役聊就空自眠子孫日已長世世還復然
古道饒疾藜縈廻古城曲蓼花被堤岸陂水寒更綠
是時收穫竟落日多樵牧風高榆柳疎霜重梨棗熟
行人迷去住野鳥驚棲宿田翁笑相念昏黑慎原陸
今年幸少豐無厭饘與粥

籬落隔烟火農談四隣夕庭際秋蟲鳴疎麻方寂歷
蠶絲盡輪稅機杼空倚壁里胥夜經過鷄黍事筵席

各言官長該文字多督責東鄉後租期車轂陷泥澤
公門少推恕鞭朴恣狼籍努力慎經營肌膚真可惜
迎新在此歲唯恐踵前跡

觀舞

劉尚錫

山鷄臨清鏡石燕赴遙津何如上客會長袖入華裯
體輕若無骨觀者皆聳神面盡回身去層波猶注人
和薦福寺英公新構禪堂

丁仙芝

上人久棄世中道自忘筌寂照出羣有了一心清衆緣

所以于此地築館開青蓮吳樂羅砌下朝虹垂戶前
呪中灑甘露指處流香泉神遠日無事體清宵不眠
枳聞廬山法松入漢陽禪一枕四山外虛舟常浩然

旅興

劉基

日落天氣涼逍遙步庭堦蟋蟀已在宇鴻鴈來何遲
少壯輕遠遊衰老傷別離念我親與友各在天一涯
音容兩契濶悲歡絕相知鍛羽懷舊林葺鱗思故池
百年能幾何逝者無還期俛仰增感嘆有懷當語誰
殷勤託宵夢聊用慰所思

琴清堂

劉基

亭亭嶧陽桐斲爲綠綺琴絙之朱絲絃彈成白雪音
虛堂夜迢迢華月耿疎林鳳凰天上來虬龍水中吟
曲罷起太息無人知此心

書北山精舍壁

袁凱

夙昔慕幽曠中年值奔走及茲始知返顧已成皓首
茲爲山水選風氣固深厚清泉寫幽磴白雪被層阜
旣多緇素流况有耕釣叟初心已云協雅言得兼受

始來疎梅墮復此山櫻剖庶幾去日遲誰謂行當久
揮手謝朋侶吾將寄衰朽

三忠祠

李夢陽

憶昔漢孔明龍起答三顧志決竟星隕嘔血爲軍務
鄂國與信國屹屹兩砥柱殺身不救國冤憤水東注
往事勒鐘鼎新廟傍官路慘慘冠劍金凜凜生魂聚
翠旗晚明滅往往鬼神駐懷嘆各不申翻然向煙霧
我征久奔迫過此感傷屢時來肅展謁繫馬門前樹
香臺野蕨上羅幔蟲蟻蛀烈士爲吞聲清風激頑懦

湘妃怨

李夢陽

采蘭湘北汜，舉木澧南潯。
淶水含瑤彩，微風託玉音。
雲起蒼梧夕，日落洞庭陰。
不知篁竹苦，惟見淚斑深。

擣衣

何景明

涼飈吹閨闥，夕露淒錦衾。
言念無衣客，歲暮芳寒侵。
皓腕約長袖，雅步飾鳴金。
寒機裂霜素，繁杵叩清砧。
哀音緣雲發，斷響隨風沉。
顧影惜流月，仰眄悲橫參。
路長魂屢徂，夜久力不任。
君子萬里身，賤妾萬里心。

緱嶺旣云夏夾池亦以往詎若過君齋悠然令神爽
玄颺逗幽篠白雲團虛幌瞻澳來遠姿鳴臯流清響
葱蒨承露碧嘹唳排空上匪由乘軒羨庶諧君子賞
高詠遂初篇振衣發遙想

匡南王孫爽臺

王世貞

襄王意不懌與客登蘭臺倚醉納雄風披襟呼快哉
時無宋大夫俊語爲飄埃朱郎出豫章阿閣表崔嵬
瑤堦拔地起寶楯中天開一葉將秋氣疑自匡山來
沆瀣日夜零注我芙蓉杯一吸澄枯肺再舉化濁胎

主人仍郢倡和者皆仙才笑彼吹與繁日夕市塵埋

雜詩二首

梁有譽

圓象無停晷四序迭相循曄曄春華敷歛忽委埃塵
候蟲善審時鳴鳥常伺晨如何建名士遲暮多苦辛
衝波鮮安舟岐路恒摧輪願風響易遠却行難及人
鐘鼎鐫峻功竹帛垂逸民靜躁雖殊域德業終同倫
慷慨感中情高駕良可遵

我行彼中野靡靡令心憂四顧漭無人但見林與丘
高堂多悲風滄海轉洪流走獸駭叢莽號鳥求匹儔

術獵羣動兀兀意獨在

秋日雜詩二首

楊慎

秋霖溢城闕后土何時乾周行無軌轍出入阻且艱
長安有一士葦門晝長關開徑理蓬蒿荒我蕙與蘭
蕙蘭日將歇蓬蒿不可刪仰首向浮雲慨然增永嘆

羲和運天晷候蟲和歲陰昔爲莎鷄羽今爲蟋蟀吟
感彼蕭條節動此棲遲心旅人在異鄉相思夢同衾
登臨一以眺但見丘與岑清泠含廣澤悲商印遙林
結軫還歸來當軒撫鳴琴幽蘭久不奏誰哉知此音

雜詩二首

薛蕙

植草會成蔓種木當爲株休咎豈虛生景響不相踰
呂生釣奇貨蘇子挾陰符六國假相印萬戶割名都
一朝計不售倉卒蒙罪辜狙詐適自困傾巧定焉如
生時諒非榮旣沒辱有餘達人安貧賤貴欲弭禍
玉以采自斲丹以澤自銷高才耀當時荼毒竟相招
傅子感飛蛾張公喻鷦鷯思患豈不微履險果爲迷
嗟哉世路間覆轍常所遭千金憚垂堂石崖易登高
願隨方外士杖策歸蓬蒿

再調考功作

高叔嗣

引疾三上書微願不克諧徙官復在茲心迹一何乖
軒裳日待旦閭闔凌雲排入屬金馬籍出與羣龍偕
積賤詎有基履榮誠無階但惜平生節逾久浸沉埋
旣妨來者途誰明去矣懷鳥迷思故林水落存舊涯
唯當尋素業歸臥守荆柴

二郎回谿詞

皇甫汈

謝公永嘉守在郡宥無爲敦賞殖令弟華萼每相携

續文選
卷一
三
不具堂
躋險旣山頓窮源亦水嬉溪名沐鶴是人睹游龍非
駕言輟棹際金影浣紗時凌波餐秀色拾翠逗芳儀
援琴挑未就解佩贈猶疑高唐侈宋玉洛浦悵陳思
杼章但唇動締心空目馳來同湫風止去作飄雲辭
停聲三婦艷嗣響二郎回

春日訪于鱗
天壇道署

皇甫濂

曉出城南郭芳垆展新矚柔荑秀綠野和烟蕩華旭
穹壇結翠氛玄宮麗瑤玉雲門藹以深芝臺歷紆曲
微美丘壑姿寢瘵寄遐躅淪躋警宿心恬曠澹方足

既擬長卿慢兼抱邴生欲道勝物自遺神閑象不束
緬此逸世途愧無區中祿至理非空基亮懷在微品
且申離索情茲往誰爲告

糸

二ノ一

三

糸

續文選卷第十一

明平原湯紹祖公孟撰

雜詩中

錄別十二首

李攀龍

悠悠念往路離別從此長何以酬明德攜手歸故鄉
良時不須臾且復各盈觴仰視日月馳千載互相望
浮雲難獨畱游子暮徬徨綢繆踰皓首風波忽方一

千秋一嘉遇此別安可知良時不努力賤軀欲何爲
晨風野蕭條浮雲西北馳河梁臨往路遠望令人悲

游子自有懷悠悠當告誰

長思何益會久留何益歸行人悵明發褰裳路徘徊
嘉期能再至安辭渴與飢浮雲一相失千里常依依
我欲往從之送子東南飛

秋蘭懷芬芳依依樹前庭春華不再盛枝葉皆已零
念昔二三子俛仰如流星羽翼一以乖邈若隔平生
徘徊顧四海誰能喻中情結交各有時千載一濯纓
離別不在遠日月從此征長當爲路人獨無弟與兄
尊酒可自慰願言崇令名

華起恩愛離別生歡娛念子非一身中懷難久俱

握手一相失、奄忽秦與胡、新知自言樂、山海日以殊、
行路方未央、出門思故廬、浮雲沒景光、北風悲有餘、
褰裳復四顧、徘徊當路衢、結髮在戰場、皓首爲征夫、
四海一黃鵠、千里命其儔、悲風厲胡馬、躑躅鳴相求、
何況同袍友、從此遠行游、離別無慷慨、去去且復留、
白日沒邊城、回首望中州、浮雲西北飛、河漢東南流、
視夜常苦蚤、寒冬正悠悠、明月燭羅幃、嚴霜切綢繆、
俛仰已自喻、誰能不懷憂、

念當首往路、千里邈已臨、絲竹發高堂、聽我雙龍吟、
泠泠江漢流、浮雲寒以陰、長風激羽翼、嚴霜摧北林、

慷慨有餘悲，新聲愴人心。游子失相視，征夫淚不任。
中曲一俛仰，從此無知音。故鄉一尊酒，願言常酌斟。
徘徊戀景光，忽爲辰與參。來者自非昔，去者自非今。
高樓耿長夜，攬衣歌且謠。秋風一何悲，游子不得歸。
明月照空牀，羅幃自蕭蕭。三星既隅列，河漢東南朝。
黃鵠正徘徊，翩翩顧其曹。故鄉邈千里，慷慨命同袍。
浮雲日西北，安知心所勞。携手在須臾，經時復漂搖。
河漢何皎皎，衆星錯其間。攬衣立前庭，明月照苦顏。
悲風中夜起，蕭蕭有餘寒。涕淚應聲零，四顧慄無歡。
往路信可懷，爲采及盛年。游子不自愛，故鄉豈難

黃鵠難爲羣、游子常苦辛、念當從此別、中懷日以新、
清光皎明月、遠望不可親、高樓正蕭條、徘徊四無人、
上有千里雲、其下起飈塵、各言還故鄉、握手道_何、
窮冬盛陰氣、白日西南微、征人常蚤寐、皎月照我扉、
故鄉千餘里、中夜起懷歸、千星駕言邁、嚴霜裂裳衣、
獨行無儔匹、誰知渴與飢、穹廬多悲風、蕭蕭邊草衰、
身在天一隅、何得不徘徊、

顏色無常好、春華一以零、悲風蔽地來、四顧何冥冥、
寤言懷往路、攬衣從此興、殺氣拳毛髮、涕泣斷爲冰、
仰視河漢星、離如水中萍、景光不戀人、游子豈遑寧、

夜依牛羊宿日驅驚馬行努力及明時安能愛其情

錄別又十一首

李攀龍

秋風既蕭蕭浮雲亦依依四顧但他鄉游子一何微
駕言西北邁中道正徘徊客行無好懷萬事不歸如

三星跂相視新月拳素光兩宮高自出雙闕遙相望
雲霞絢河漢機杼成文章羅幃影四座華燭搖中堂
王人前進酒彈瑟爲清商流焱激長夜殺氣隕嚴霜

蕭蕭墮白髮

翩翩曳衣裳男兒不懼悴誰知在

他鄉

北風著枯林浮雲苦多陰紅顏日就衰他鄉日就深

別離起中夜、對酒不能斟、絲竹含妙伎、佳人懷好音、
眴眴適君意、慷慨動君心、罷曲一俛仰、變爲游子吟、
念當事行役、淚下難自禁、

秋風西北來、蕭蕭動百草、蕩子無室家、悠悠在長道、
紅顏能幾時、棄捐一何蚤、對客發素書、零涕復盈抱、
上言故鄉好、下言故人老、

冉冉年欲度、秋蘭采間萎、蕩滌千歲情、結束欲何爲、
美酒不誤人、紅顏多所宜、萬事自明日、行樂此一時、
四座慘無言、游子中心知、浮雲動悠悠、故鄉難期、

悲風墮白日、天地何冥冥、招搖彈北戶、河漢條中庭、

征夫苦難夜且復命新聲芳音動君子四座無不

人生卽滿百長此千載名豈如飲美酒趙女奏鳴箏

慷慨盡逸響慰我飢渴情惟念當離別翩翩渺

征獨

明月促曙光衆星西北移勞子工蚤行起問夜何其

攬衣出門去長當渴與飢疾藜穿我履嚴霜薄我肌

別離矜盛年老至不自知努力事戰場淚下復

無時

浮雲滿天地蕩子欲安之努力事行役棄置以爲期

少年盛意氣慷慨生別離乳乳無根蓬翩翩中林騅

馬上不得語涕淚各纍纍君但重自愛遠道歸

有時

秋風動千里游子何翩翩蚤行多所懷慨慷私自憐

嚴霜覆四野、明星出高天、涕淚一以下、中道忽言旋、
踟躕戀徒侶、不知身棄捐、客從遠方來、遺我繒絲箋、
故人俱白頭、安得獨盛年、

昭昭秋素景、明月涵金華、清酒照朱顏、中堂發高歌、
游子在外單、結交常苦多、別離動白頭、人生復幾何、
悲風搖枯林、嚴霜携女蘿、新知雖云樂、不如蚤還家、

高樓出浮雲、零露綴綺疏、明月照佳人、清光相有餘、
紛何下涕淚、纖纖結素書、願持千里心、託此雙鯉魚、
尊名不可處、白髮難久居、豈如及盛年、駕言歸故廬、

錄別又三首

李攀龍

眇眇遠行客，綿綿思故鄉。
悲風繞車鳴，浮雲立馬傍。
邊城苦多陰，秋氣激繁霜。
白日匿何時，四野一茫茫。
落木委空庭，游響拂閒房。
霏霏羅幃影，明月在我牀。
起視河漢流，寥寥夜未央。
出亦以徘徊，入亦以徬徨。

大江多悲風，秋日澄清陰。
浮雲無本根，天路難重尋。
故人一失所，結交良苦心。
游子易慷慨，撫劍吐哀吟。
白髮行蕭蕭，繁霜悴我衿。
登城望四野，明月照北林。
悠悠委他鄉，中夜安可任。

去日苦太早

無常家別離在倚仰
素書未盡

驅車就顏景明發汎黃河浮雲媵余征流颺激其波
顧眄當中原慷慨爲悲歌千里一蕭條故鄉復如何

古意七首

李攀龍

秋風西北起吹我游子裳浮雲從何來安知非故鄉
蕭蕭胡馬鳴翩翩下枯桑暮色入中原飛蓬轉戰場
往路不可懷行役自悲傷

新人一何妖年頗十五餘本自貴家子秦氏有名姝
故人行采桑值我城南隅顏色各精妙手爪亦相如
故人工紈素新人工笙竽笙竽未詎央紈素色已渝

人生無新故夫婿自言殊

嶰陰有孤竹常含千歲霜截爲雄鳴管其音中清商
豈不在人耳世已無鳳凰新聲自一時艷曲亂高倡
安得日相御金坐君子堂

十五漳河女出身邯鄲庭綵竹妙一世纖手何泠泠
清商有餘悲慷慨爲新聲中曲若無人含意已獨明
知音難再遇紅妝日夜零奮響發浮雲摧耳不能聽

英英天上雲不照濁水泥新婚日以親賤妾日以携
繁聲出皓齒妙舞生春姿縞綦難爲容乘如秋草萎
念當羽翼乖依依卽路岐良人無古歡妾自中

知心

中天起雙闕浮雲出兩宮馳道挺其間甲第羅西東
胡姬正當壚邀客過新豐朱脣含綠酒纖爪扣青銅
墜髻似無意綰繞一何工眴眴正愁人流純動春風
雙雙羽林郎翩翩五色驄挾瑟上高樓調絃方終
胡鷹一何勁北風一何高朔方士馬地斗酒命同袍
窮冬蹙四野大獵出臨洮盪石響深谷烈火走平臯
邊聲中夜起殺氣常蕭蕭積陰生戰場白日慘不消
草枯牛羊瘦雪盛狐鼠驕引領望交河層冰正迢迢

雜興六首

李攀龍

伯牙負高操引曲輒入神從師蹈東海延頸四無

洪波盪大壑悲鳥方號羣白日坐失色山林忽不分

精氣一以變此調得其真世俗蔽聞見千載遞相因

遺世伎始妙絕絃多苦辛自非鍾子期古道難陳具

離朱不逾景師曠不逾風所用一以失化為瞽與聾

轡策出大御繩墨出巧工顧眄卽千里結構臨層穹

束手寧自甘徇人道乃窮

良馬躡路岐善言躡嫌疑稱樂自云蚤日月寢已馳

黃金不可作美酒多所宜清風響高唱令德含辭妙

翩何漢宮女紅妝鬱鬱榮不自良家子十五苑後庭

是時得上意寵至身逾輕貴幸霸天下妙麗傾人城
詔許領椒房嬪御無不驚脣如齧丹飴齒如鏘玉聲
一當萬乘主常含中道情絕色動千載旦夕誰見明
美惡懸盛衰棄置視合併所以尹婕妤顧眄失生平

詭時苦難遇直道苦不華挈鉞羸衆口繩墨短羣羽
所以上古人工拙無常家陸沉金馬門醉卽據地歌
世久自相玩爲德一何多在羣旣藻生孤貴亦失和
首陽與柳下一龍復一蛇同流雖所願跡邇則心遐

名馬不受羈足下有千里黃鵠不受羅羽翼就四海
貴賤自一身出處無二軌時利適愚夫勢衰歷智士

祛長不握臂屢縮不截趾陸沈人間世悠悠

雜興又四首

李攀龍

大魚鼓長鬚捷若舉帆幢夜驅蒼梧風凌晨浮九江
怒擊胥山濤洪波爲洶洶本圖運南溟中更不相容

何嘗一失水湖海難再逢寧如涸轍鮒斗水得

鍾

翩翩西北風蕭蕭枯桑林登高使人望秋氣悲我心

叢臺蔓寒草易水清且深當時燕趙士慷慨有

遺音

駕出薊北門東望元英宮高臺造浮雲碣石來悲風

客卿旣裂地戰士亦論功稱系遷大呂昭王氣何雄

一不植千里生飛蓬

遙遙臨蓬池言陟梁王臺還顧望大河洪波渺悠哉
飛雪蔽中原北風千里來馳驅名利途無駿不駑駘
精衛自微鳥東海生塵埃

古詩後十九首

并序

李攀龍

前有十九首故後言之猶稱古者其文則十九首也
其文則十九首而以屬辭辟之制轡策於垤中恣意
於馬使不得旁出而居然有一息千里之勢斯王良
造父所爲難爾

行行萬餘里依依夢故鄉見君累長夜攜手立行
寤言心尚爾忽在天一方越鳥東南飛胡馬鳴相羣
眴眴人自好棄捐人自老徘徊亦何益努力苦不蚤
思君度餐飯歲月漫浩浩慷慨卽別離故鄉勿復道
搖搖車馬客依依燕趙女沾沾倚箏立交交夾牕語
盤盤高結出飈飈中帶舉浮雲忽目歸蕩子漫無所
天寒錦衾薄空牀難獨處

白日何歷歷松柏何離離人生天地間一日不可知
斗酒無常置良會無常期沈吟厚與薄爲樂無乃遲
宛洛美遊戲冠帶自相隨宮闕起雲中第宅羅四垂

三貴氣佳客以盛衰君但視車馬攬策振其

夏會屬今日彈箏倚新聲唱苦令神傷三變不可盈
中曲忽自置踟躕一再行欲因更促柱難爲聽者情
人生局一世悠悠終何成要路多坎坷先秋慘其榮
來者率如此焉知千歲名

三五樓上女徙倚當雙扉紅妝妙一世誰不攬容輝
絃歌入青雲新聲亮所稀千載爲一彈含意有餘哀
知音難再得且復立徘徊終日不成曲零涕沾裳衣
三歎令人老游子何時歸

燭燭芙蓉花擢擢采蘭婦懷袖忽已盈馨香誰爲有

秋草一以萎此物難獨久馳情一水間無因携

素手

搖光加孟冬北風何慘慄寒至疎衆星蟾兔亦蚤缺
四時旣潛移遺迹難獨列不知空牀下蟋蟀安從出
宛洛多故人厚者如膠漆及其據要路負我道非一
織女無成章牽牛策不發且復守貧賤振翮各

有日

浮雲何冉冉亦在南山阿千里遠徘徊游子苦無家

昔我同門友策馬驅高車兩宮屬眄睐冠帶日逶迤

致身及盛時結附一何多極宴累長夜重闈發絃歌

白露忽以零迫此蕙蘭花芳草隨颺塵誰能顧

女蘿

獨鵠西北逝逸響一何哀念當生別離欲去復徘徊

不惜寒氣厲但傷羽翼摧我有鴛鴦綺無衣誰

爲裁

疇疇織女星當機理紈素牽牛能幾許常爲投杼誤
紈素欲遺誰終日西北顧負輓復何時軒車歲云暮
攬衣卽河漢躑躅不得度

高樓出西北下有故鄉道浮雲蔽天起回颺響秋草
四時更相至人生自着老傷彼遊子顏戚戚難獨好
携手不須臾棄捐一何蚤努力以爲樂泣涕復

抱盪

東城屬浮雲阿閣百餘尺歲暮多悲風游子衣裳薄
四野何蕭條所遇但遺跡來者自爲今去者自爲昔
盛年奄已衰含意將安適燕趙出名倡紅顏照宛洛

結束隨時變絃歌日相索未彈理懷袖若在遠行
弄指一何妙列柱一何迫馳情視雙燕飛入玉
磊磊丘與墳鬱鬱郭北地白日松柏陰悲風四
誰能黃泉下末含未伸意悠悠卽長夜千載一以
漫漫待明發迢迢正遙寐身世非膠漆豈得長相寄
此物無賢愚萬歲更相致神仙不可知服食苦中置
美酒與佳人攜手行遊戲

郭北一極望徘徊安所如新墳歷歷出古墓附里閭
新者躑躅歌棄妾迴其車白楊日夜疎蕭蕭悲有餘
三歲去故鄉一字無素書

處世苦無見孤生非所憂高言唱同心千載一相求
窮賤解膠漆棄置衰交游昔我同門友上書哀王侯
明月皎夜光躑躅不得投

迢迢月旣望白露被庭中越女前理音燕服羅清宮
交游自遠方文彩復無雙駕言出廣陵將以適曲江
聊慄此何氣攬觀不可窮惟車蔽日下萬馬悲回風
水力率已至神物難爲容秉意屬南山浩蕩惟所從
上客變其度陳唱誰與同極命以成章娛樂良終未
孟冬風已厲攬衣有餘歎獨宿知夜長遠客知天寒
河漢直雙闕皎若素與純黃鵠從西南孤飛正漫漫

一鳴緩中帶再鳴霜玉顏遊子不可聽令君中道還
所以生別離慷慨亮爲難

客從洛浦至遺我合歡衾中有長相思緣以結同心
芙蓉發文彩鴛鴦鴈哀吟遊子正無衣天氣復已陰
故人此屬意徘徊獨至今

皎皎羅幃月攬之有餘輝寤言守長夜依依未能歸
故鄉無不可道路亦何爲客行各所懷誰知我心悲
出門一以望浩蕩霜裳衣

賦得何仲默

李攀龍

仲默自天秀弱齡負遐矚十六遊京邑藝苑策高足
揮毫坐華觀懷人理清曲歸來放情志日晏從所欲
結好玩遺芳明德以相勗古道諒寡諧遂令傷局促

五子詩五首

李攀龍

王元美

元美何翩翩夙昔秉靈異京洛多冠蓋操觚各自媚
所遇無此物識曲聽其僞大雅久沈邈時淆作者至
俛仰知音稀含茲未伸意但坐奮逸響側身向天地
虛名喜誤人依依千載事浮雲相攬持白日一高視

四顧命儔匹中懷誰可致凌厲子長氣文章此未墜

吳明卿

吳生蕩滌士明德復何蚤高舉凌風翮青雲漫浩浩
良時冠帶會斗酒弄詞藻一彈中清商下里難爲好
知音率已稀隱几存吾道衆言紛盈庭膠漆各自保
掩耳走淆亂褰裳度潢潦罵坐豈盡狂流俗令人老
陸沈金馬門懷袖諫書草白日有棄捐遊子悲不造

宗子相

婉婉維揚士蚤歲絕人識結撰有至思先民乃遺則
時俗徒嗷嗷此物知者得鬱鬱獨往心百折江河力

披睹他自媚我意安所測念茲携手驩榮名與令德
浩蕩陰陽移吾道相終極語及千載事愀愀動顏色
中懷誰可喻文章亦經國一爲麟鳳言三嘆加飡食

徐子與

徐生一何俊本自青雲姿十年住天目含意多素辭
旣聞風雅音三歎文在茲眴睎生榮名徙倚卽前綏
念爲理清曲高言倡者誰躑躅流俗間携手不相疑
時髦滿要路各謂中心和世人豈同願吾道欲委蛇
黃金買大藥朱顏庶可持物理率如此和光難獨窺

梁公實

梁生起南海負氣何倜儻北交中原士徘徊得吾黨
高名豈宿著一朝奮鴻響時俗旣淆濁振衣念獨往
禮法難爲工局促向天壤王喬可等期服食理非枉
引領還羅浮願言稅塵鞅俯視大河流逶迤浮雲上
盛衰隨物化世情自鹵莽吾意當告誰黃金妬偃仰

二子詩二首

李攀龍

盧次楨

盧枏起河朔本自千金子蕩滌諸生間銷骨於積毀
世無臨邛令焉得心尚爾深文類繆恭罪罟中狙喜

乃繫黎陽獄十年攻一枝旣也
三歎不同時帝曰付諸理
後誰能識察此

謝茂秦

謝榛吾黨彥輒軻京華陌黃金自不畱朱顏亦已擲
韋布豈盡愚咄嗟名士籍握手金閨人中情多所適
冠蓋羅長衢染翰日相索遂令清廟音乃在褐衣客
一出遊燕篇流俗忽復易還顧望鹿門矯矯青雲翮
郡齋同元美賦

李攀龍

游子苦行役驅車自溟渤依依平生親斗酒日云沒

秋風亦已厲蕭條衆芳歇何以贈君子徙倚攬明月
燕婉當及時霜雪變華髮高足蔽天衢浮雲望雙闕
令德一見疑積毀能銷骨中懷不復喻邈若胡與越
綢繆有故人知音無倉卒常恐遠別離含意向明發
寄題離薺園二首

李攀龍

芙蓉媚昭質初服一何好繁霜日夜零悲風起中道
鷓鴣旣已鳴所遇無芳草馳驚終年歲紅顏足用老
美人怨遲暮迴車自不吝蕪穢沫榮名同心以相保
蘭生有幽性零露浥其姿含芳在空谷清風來御之

孤根亦何傷衆草故難爲萎絕同糞壤中情君豈知
願言置懷袖延佇及良時荃茅一以化奈此菜與施

子與至武林

李攀龍

良時能自至嘉會無常期長飈吹浮雲奄忽東南馳
依依曳景光泠泠發餘悲非君命儔匹游子安可爲
大江折其流武林愴以摧念今在往路執手野徘徊
何必同一身中懷貴不疑彈冠有逸響駕言卽前綏

雜詩二首

王世貞

甲兵舉世隘貧賤百年輕擾擾時人意焉知肝膽誠
吾貴中心悅何用等浮名澤雲固易變溟渤亦可耕
道苟後三光豈在凋其形

步出城西門雕甍橫周絡叢篁上迫天芰藕彌陂澤
問是誰家墅居人答相錯春卉依都尉秋條屬金吾
問姓良欲陳後主恐復殊所遇多故物百歲人焉俱
貧富生醜好來往爲親疎茫茫任宇宙何用竟其初

雜詩又三首

王世貞

東家有美人日日理紅顏春風愛如花玉立當門前

西家有美人曲跼不成髻
絳衣蔽韶質深閨閑茂年
蕩子樂行游共誇東家妍
願君棄所知願君重所
庭前有丹桂西風吹落花
貴者集裊幕賤者泥與沙
泥沙安足悲裊幕安可誇
旣離本枝固焉能念芬華
母爲計榮辱惻惻長自嗟

吾聞上古世純默澹玄
始太和漸以散皇綱蕩無紀
皜皜白日內昏風忽然起
生人無常邁致福豈在已
馬以一鳴斥鳬以不鳴歿
生者豈必鳴鳴者豈不生
所以賢達人順時復安貞
嗟彼倏與忽無乃勞神形

雜詩三首

王世貞

開卷意不醒

羣植欣向榮

明月雖投

班姬奉

李平一侍

勿讒純扇

采薇吳山阿

謂我當服之

飾巾以待

河池好風從東來披拂中所宜

後時踟躕將西暝稍稍見清輝

中所悲非因一尊酒疇爲蔽

余思

理甘曲跼寧知迫歲晏商飈栗寒玉

黃金屋朝矜賜膏沐夕矜薦絲竹

當哭

將夕道逢羽衣子授我藥五色

無終極生趣久已淪安能淹茲域

翻爲客顧歎此寸心千載誰當白

雜感六章

王世貞

新秋涼氣微大火猶蒸濩不知當庭樹何繇中銷落
葦葦梁間壘玄鳥翩然作今逝如有乖昔來如有托
人情亦已長積衰方成薄

冉冉西流日杳杳東逝川棄文守空閨不知時變遷
膏沐一朝施含羞不自前雖復回清眄盛年坐君捐
二八方偶進駢齒復齊顏爲媚須及蚤爲恩須及好
再收當中熱再捐當何道

赤龍困服箱足下有八埏蒼鶡困絛鏃翮下有九天

東風吹孟諸短草何芊芊駕鵝飛我側狡兔出我前
燿如雲間電挽弓不及弦勁翮應脩蹄爲君蕩羣鮮
人生非遇合安能自稱賢

手携綠綺琴去上高山阿落日四無人蕭瑟揚洪波
凝神入天倪心指遂相和歸來奏清曲商飈絳纖羅
白雲從東來爲我不忍過奏者豈不厯聽者已隗俄
無情尚有知有知當奈何

貧賤誠難處富貴寧易居疇爲執兩端令我與願俱
藜藿猶未糝列鼎窮珍腴饑者靡不佳飽者不美餘
窈窕南山雲歸乎恣所如

千金買駿馬百金買轡頭百千製狐白十千珊瑚鈎
相從諸少年宛洛晝行游宛洛富名倡挾瑟進清謳
但知媚黃金焉知我爲疇出當從客懽歸當從婦謀

初入理園土二首

王世貞

園徃何崔嵬貫曜麗幽方當晝日返冥踰春草不芳
糾糾禦呵怒離離纍訊傷下當邇重泉上永隔天閭
誰悉逝矣故更悲來者長

庭前有高樹好鳥相因依固以效和鳴鳴聲一何悲
疑歌復疑訴流調更流淒此鳥寧有異聽懷多是非

題遠菴堂

王世貞

我園初離蒼君堂仍遠菴豈無女嬃戒惡草非所欲
榮芝當自秀藝蘭當自馥出爲王者瑞處爲幽人服
鋤莠慮傷禾代莽表嘉木茲意幸偶同相將保空谷
題丘戶部汝謙吾兼亭

王世貞

傲吏漆園氏大隱東方生心冥故黜跡機悟乃超名
彼美司農子夙有天倪盟彳亍握筭間跌宕文史聲
抱案揖長官了若不相嬰拄笏對西山悠然有餘清

識真垢不辱貴我物自輕何必規往昔吾以師吾情
今歲忽已知命仲冬五日爲懸弧之旦不勝
感愴聊敘今昔得六百字

王世貞

薄游狎流光五袞俄已至今爲懸弧旦使我廢朝食
竊拊有盡身自收終天淚罷牙息衆囂閉閣負餘惴
離疏非冠日通籍乃韶歲爲郎典方迓業已三上計
比舍饒俊民興辭驚遙詣雖匪大國香豈爲當門植
衆嫖方奏姪如何獨求退棲遲三輔讞屏營東秦寄
萑苻旣如浣蕭斧永絕試烈炎彌原來玉石同迸碎

紉
齟齬緹縈書艱危子堅祀扣閤不睹天灑血空墳地
豈無經瀆念處歿以未流哀悴松柏餘辱蒙
屯夷理垂極鼎革時初際皇矚廻覆盆谷灰起幽
吹徊徨深隱側躑躅窺慈意南舟徧楚越北轅輾晉
魏蓬心絕鈺觸櫟質慙鼯技疇謂偏竒稟謬中通人
嗜三臺敢希歷九列無乃贅牽馬似有曹攻駒豈吾
藝是時秋欲暮天子問鄖帥爾以中執法其往司
節制尋叨璽書寵仍拜宮壺賜肅肅萃冠簪悠悠度
旌旆如何渭橋色已作天涯視嚴霜逐飛蓋修路疲
征駟漢水擘峽來崧峰蹈空置褒斜綰單轂井陘艱

外驛傳同王遵叱無取子陽喟片檄寢亦在尺箠走
墨吏据拾虞軍興縱舍伸主惠竊窺寬大朝因驛上
封事愚得或有一斯狂豈可二旣采葑菲誠復貸尸
組罪雖爾竭涓涖何由報恩施芳已凋蕙蘭辛猶殘
薑桂揶揄路鬼譏蟬緩女須詈策足趣墓闔長鳴頓
其轡甘爲退飛鷁不作驤首驥松栢偶然喬寧因青
陽媚誓墓今已垂入宮憑見忌謬陪七子列恐爲顏
延棄雖謝三君後未甘李膺易數往已自疑揣來人
同愧伊昔虞舜慕五十猶不替惟彼曼容秩六百旋
請致而我獨何爲心跡兩成悖鬢訝蒲柳零身安匏

系方遠 卷一 三十一 不貴堂
瓜繫雕蟲業久賤小草名還細服政政欲疲知命命
何冀縱識去者非焉睹來者是昔人多無聞今余焉
足畏秋葉旦暮零親知同飄墜江水日夜流富貴亦
偕逝駐顏問刀圭多難損根器皈誠悟正覺庶矣超
人世

西園雅集爲鄴中諸王作

王世貞

改服乘春豫徵徒何續郁苑薄孟門塞椒崇鄴河曲
霞空散叢綺風漪寫文穀旻翻馴鹿至棠漾輕鷗逐
桂魄狙屢謝蘭膏禪相續東西迷席改昏旦邁歡促

羽管俱鳴先飛觴競謀速王其梁陳軌賓亦鄒枚屬
名非履亢顯道以撝謙篤設醴知不衰官今益湯沐
棘寺春集

王世貞

蕭蕭廷尉署藹藹滋春陽薰風自東來吹萬悅羣芳
幽花媚和色繡栢辭玄霜化永公府寂政簡初日長
振策從英乂幸遭此高堂雍容盛冠珮朗郁森琳琅
情至分欲舒道邇契自彰暫言謝紛囂高揖稱虞唐
白雲流飛觴廻景就移牀簷際鳥上下籟聲效和鳴
佳辰豈不欣無乃流太康職思寅恭義載申伐木章

卷一
雨飲李氏伯仲草堂遣謝

王世貞

負郭偃衡茅停車遣幽訊隱侯竹間出難弟墻東引
耦耕及新麥對漉饒夙醞改白王弘衣冀青阮公瞬
密雨戰炎歊初涼乘時進散沫染空階餘膏惠修隣
慈明旣外朗叔慈復內潤玄言萬飛屑令色雙聯瑾
愧以干旄旋更爲薜蘿信蚤晚牀頭醺願言無所吝
庭有積雪指麾兒輩戲爲雪山偶作

王世貞

怡步向中庭積雪何皚皚戰日愈自堅依飈漸成堆

靡化人術倏忽三峰開削成像仙掌橫度爲天台
更疑雙靈鷲一夜自飛來東風澹蕩吹對爾酒一杯
不知吾與爾玉山誰先頽

聽夜唄作

王世貞

齋飯依八關昏鐘警諸妄陳王演真唄深公吐玄唱
清波徐滌洄法雨漸調暢振如迅雷激細若游絲颺
哀籟流凡聽圓機轉天吭我聞青蓮坐妙法宣無上
魔王戢怨刃龍女傾愛藏如何旃檀刻不睹梵音相
稽首悲宿因誓心驅來障

天津問汪氏不遇

王世貞

忉怛赴家難倉皇納符節露宿寄杪蟬水征委波葉
伏闕將上章微誠希見雪滄溟浩茫精衛日銜血
螻螳悲原土虎豹守天關次且夷門里冀與侯氏訣
河嶽變須臾風雲走飄瞥豈乏長者過蓬蒿掩其轍
乃知沈頴意懼貽焚山孽同隱復異棕舍辛當誰說
讀李獻吉何仲默徐昌穀三子詩三首

王世貞

夔峽收英靈乾坤無真色擾擾操觚士各務狗所得

恍若襄城轍俱迷陰陵澤明與我高帝神武肆蕩
滌七葉開人文疇能承休德是時北地生草昧發超
識手挽天河流千秋鴻濛坼坐令景從輩齊聲諧其
則矩步寧敢渝狂者羞踐跡寧知龍變化天矯不可
卽彼以蛙黽趨胡然矜相測孝皇握鰲極萬宇揚休
光藝士被天來大雅竟難方北地旣龍舉信陽遂鸞
翔彼美在弱冠振馥馥時芳二華削蓮花高掌媚太
陽朝霞洛潋波因颺自文章二子琢相就流趨互雌
黃聽曲昧其名焉在譏誚頗寄言夸毗者冥趨良可傷

伊昔吳都彥揮翰藻思披珊瑚間木難粉黛映參元
豈乏妖麗觀適志良以稀奕奕昌穀生中道起其
青天盪胸表白日行鬚眉秋鳶搏羊角夏雨結虹霓
泠泠松泉響濯濯芙蓉姿當其所得意直與作者期
爲郎嘆寂寞短年悲奄遺匪但一世隘終焉造化疑
貞也鄉之人辦香夙所私廣陵悵云絕山水欣自知
要令千歲後更奏金蘭辭

五子篇五首

王世貞

龍

在阿出溟渤皓魄中天發列宿豈不顯杳然精靈攝
先秦收正始六代時汨沒夫子揚嘉聲千載馭颺軌
思排入淵曠象成自昭晰至理中所賞胡然見時悅
夫子乃沈淪紛紛亦奄忽六合慘淡間微生借噓拂
金嘯倚崆峒蒼蒼極秋色上有三危露芝菌芬樛結
攀英啜其滋虹霞動靈宅却笑美門者長生等漸沫

吳興徐中行

藹藹洵吉士產秀自天目泠泠穆風披青陽振膏馥
調氣翫時人幽懷被商曲客從東方來貽君以迷穀
含吐茲未酬宛然中心篤柔條沃嘉霖雖罷中所欲

良璞因鑪錯連城謝其琢逝將因君御金起雙鴻鵠

南海梁有譽

大溟湛珊瑚陸離灼叢條龍伯何神舉弱緯連六鰲
之子爲國經含英奉清朝汎瀾先民蘊眷念首陽椒
杜權形俱歛匪戰理自超賤或重千鈞貴則等逝颺
羅浮七十二一摩層霄玉笈子長往金徽予罷操

武昌吳國倫

高旻漏元氣瀉作黃河流排蕩識其文焉睹崑崙丘
武昌蘊夙解獨往恣神搜亥步亦何窮原問非所讐
仰窺太乙精泠然注天湫調浪鼓青陽餘風映素秋

下士俱大笑呖訾不能休寧知帝弄臣坐令鞭九州

廣陵宗臣

伊人璠璣彥履盛無嬰躬豈鮮盈門軌匪其徑寸衷
爲壽不在年千秋以爲終斯道苟不蕪排衛當誰功
沉淪知夜光鴻鵠高天風枉矢射彭城逸勁飲石梁
誰謂漢哉廣褻餽航扶桑竦身太華顛窮途杳茫茫

後五子篇二首

王世貞

南昌余曰德

德甫負耿介往往排群好楚咻非所顧齊風乃同調

續緡媚沈川夜光爲之耀累柯刈宿楚山骨露幽峭
有嚮必當心尋源乃深造是時西曹彥苦李在周道
所以獲自全閩天舒清嘯

新蔡張九一

助甫秉天秀弱齡藻詞鋒一出宰巖邑百吏趣下風
入佐天子銓縉紳所景從折節理楚壘羣詠藉相
攻攬轡西南紀清商變炎空下蔡出傾城皎若青芙
蓉寧爲衆人妬不爲衆人工

廣五子篇二首

王世貞

崑山俞允文

俞生不偶世削跡混屯夷時冶避大質天籟竅幽機
懷璧非所愆含英竟焉輝晨炊不逮暮室人交譏
玄商吹衡宇霜霰無停飛悠然眉間色忽映西山薇
婁水逝洋洋偕子以樂饑

魏郡盧柟

盧生富結撰揚馬有遺則及乎爲詩歌雅好在李白
春風揚波瀾浩渺靡所極仰見朝霞媚俯見水五色
蛾眉一成妬雄飛鍛其翮朝奏獄中書夕爲坐上客
妻子不殫人長歌下震澤

重紀五子篇一首

王世貞

張中丞九一

胎簪昔中折桐栢亦涓涓張生一振之矯矯遂無前
平原稱盜驪霜夜拭龍淵昔與宗生角推鋒互瑕
一矢銀潢漏再矢月脇穿雋聲絳灌耳淪落二十年
晚途始見收改服事戎旃密餌間關氏飛書許右賢
山甫城朔方吉甫頌其賢自非如椽筆疇能勒燕然

題孫君竹鶴齋

王世貞

燈前擇妙匹運思一何深裁以金剪刀縫以素絲鍼
願爲合歡帶得傍君衣襟

觀春雪

何景明

騰空布柔雲蕩日溢繁吹素雪千里來飄揚九衢內
積陰改玄節新陽獻青歲永辭寒卉寂甘金春華媚
繽紛散廣陌晶耀敞塵界旣隨游霞集復與流飈會
臨牖翫靡足陟檻望逾邁參差百薨接翠光層臺對
佳人御櫺軒上客倚飛蓋旖旎結華纓離縱飄素帶
郢中有希唱陽阿豈恒態君胡慕高臥沉冥獨無類

江夏題王太守城南精舍

徐禎卿

林步不覺遠溪流隨興長悠然深竹裏獨往綠蘿莊
山色佳南郭平疇連北堂野人來荷鋤蠶月百草芳
寤慙白雲賞載謠叢桂章垂楊足池鯉閑牖有壺觴
念此牽情性何勞緇素裳

雜感

孫一元

抱易住南山日與湖水對煙霞散不收晨昏變奇態
亦知避世心翛然自我輩乾坤古神器機運相謝代

何玄震心覬欲去將何求古來賢達人高視隘九州
若士處大荒邈然誰能侔阮生蓬池上于世若雲浮
嗟哉愚蒙者睠戀區中謀雍門泣孟嘗牛山悲爽鳩
聞彼代謝理泣物恒怨尤黃鵠摩霄舉騰蛇乘霧游
斥鷃爾何陋枋榆徒啾啾知自有大小達觀德彌優
黃司馬青泛軒

梁有譽

達人慕恬寂開軒負西郭芊綿引蕙田逶迤通菌閣
積芳集隆墀耽勝控遙壑藁氣連幽洞湖光耿華薄
青桐帶露疎翠羽衝花落蜃月鏡疎櫺鵬雲冠虛幕

真全一以契琴書聊爾託鶴性在烟霞鳳想存寥廓
卽此願深棲陋彼郊居作

五子詩二首

梁有譽

宗考功臣

吏部慷慨人蚤晚耽著作所得皆經奇鬱鬱濟世略
高視凌千載詞賦悼寂寞結藻燦園章
感時賦長楊菁華歎昭燭龍耀天街
復古力何雄憐才意不薄末俗振風靡平生直然諾
莫逆今昔希詞盟欣有託古來賢達士道在從龍轡

瞻彼肅肅羽萬里翔寥廓邴生宦業微懷恩向丘壑
王員外世貞

籍甚天下士王生名日振玄成有世業江左挺斯人
蚤窺竹素園作賦楊馬倫新篇扣哀玉激烈吒鬼神
酒後雅吳詠俠氣凌高旻傲睨天地間誰知肝膽親
詞人久衰謝栢梁徒埃塵生也抗高義斯道不緇磷
鼎鉉期俊功揚聲天路津豈學蓬蒿子白首徒苦辛
余慙梧臺石君邁連城珎用舍固殊轍感贈以書紳

秋夜省直

宗臣

驅馬扣高扃秉燭照清池冉冉見芙蓉白露被華滋
仰見明月光三星燦以垂蟋蟀鳴重階繁聲一何悲
感之長嘆息嗟此陰陽移鹿鳴思野草宿鳥懷故知
人生貴適志羈栖亦何爲行行返舊服去此清江湄
此意良未申空令達士嗤

五子詩一首

宗臣

王比部世貞

天地亦寂寥斯人懷苦心弱冠厲高羽翩颺翔藝林
玄構入幽眇龍淵浚其深拂鬱神氣動萬象俱蕭森

閉門一停思白日常陰陰雄視百代間豈復論古今
高歌以慷慨顧眄酬知音不測心所之世人空追尋
富貴亦云樂而非情所欽寄謝當途子無徒耀華簪

還至別業

宗臣

結髮游藝林翩翩二三子聞我返田廬亦復來相視
峩峩切雲冠蹒蹒東郭履入門將我衣嘆息傷情理
長跼前謝客故人心乃爾昔者遠行邁悠悠三千里
寒暑忽以流眷念桑與梓况我同心者愴悽何能已
客請勿復嘆主人聊唯唯堂上列旨酒堂下薦嘉鯉

續文選卷第十一
今日樂且樂歡娛從此始

夏日池上坐

宗臣

朱華蕤清漪庭草淒已綠歲月忽以馳流光傷局促
古人亦有言夜遊當秉燭感此傷我心前修以自勗
逍遙放情志胡爲自躑躅結廬在崇岡極眺滄浪曲
朝游濯吾纓夕游濯吾足自知非至理聊以從所欲







